



Synfocity = 889

mail us at : mzsynfo@gmail.com; mizoramsynod@gmail.com - Phone - 2314648

May 18, 2023

❑ **Counselling Training wawi 36-na**

Family Guidance & Counselling Centre (FG&CC)-in May 5-12, 2023 chhunga Church Leaders' Pastoral Care & Counselling Training wawi 36-na, Synod Conference Centre-a a buatsaih chu May 12, 2023 (Zirtawpni) zanah 'Final Evaluation & Graduation Service' neiin khar a ni. He Counselling Training-ah hian Pastor Bial riat atangin Kohhran aiawh mi 29 an tel a ni.

Training kharna inkhawm hi Rev. Lalsangbera, Director, FG&CC-in a kaihhruai a, Rev. Dr. C. Chawngmingliana, Synod Moderator-in Training chhuakte hnenah Certificate semin thuchah a sawi a. Counselling chu mi tin mamawh a nih avangin Pathian chakna rinchhana midangte harsatna sut kianpuitu nih tum zel tura fuihin an thil zirte chu midangte tana tangkai taka hmang turin a chah.

Training kharna inkhawmah hian Training chhuakten an hlawkpui dan a lema an ziah chu entirin an hrihfhah a, Upa H. Lalnuntluanga, Kawrthah South-in training chhuakte aiawhin thu a sawi. Synod Mission Choir te tum hnih zaiin, FG&CC Committee Member, Rev. R. Lallianpara'n Training chhuakte a tawngtaisak a ni.

FG&CC hian Pastor leh Kohhrana rawngbawltu pawimawh (Church Leader)-te pualin Counselling Training a buatsaih thin a. Pastor-te pual hian kum 1992 atang khan buatsaih tanin Pastor 535 training chhuak an awm tawh a. Church Leader-te pualin kum 2002 atang khan wawi 36 buatsaih tawhin mi 811 Training chhuak an awm tawh baw.

Synod hian Counselling Centre pakua - Mission Veng, Bawngkawn, Vaivakawn, Champhai, Serchhip, Kolasib, Lunglei, Mamit leh Khawzawlah te a nei a. Heng Counselling Centre pakuaah hian May 4, 2023 thlenga pantu (client) an neih tawh zat chu 52,955 a ni a, kumin 2023 bikah mi 2,259 an nei tawh a ni.

❑ **Synod Finance Committee wawi 145-na an thu**

May 17-18, 2023 chhung hian Synod Finance Committee wawi 145-na an thu a, member 51 an kal. He thut khawm hi Rev. Dr. C. Chawngmingliana, Synod Moderator chuan a kaihruai a, Rev. V.L. Luaia Hranleh, Finance Officer-in report a pe. Report-ah hian Synod Office leh Department hrang hrang bakah Mission Field sum te audit zawh fel a nih thu tarlan a ni a. Josepha Buhzem-a sum hmuh tawh zat chu Rs. 1,51,92,379/- a ni a, Committee inkarah Accounts Training pein thawktute hmun li laiah an feh chhuak baw.

Meeting-a thu ngaihtuah zingah Budget reprovision dilna te, Synod Accounting Software thar chungchang te, Synod Reserved Fund leh Mission Reserved Fund dah chungchang te chu a langsar zual a ni.

❑ **Synod Social Front buatsaih cement mistiri training tan a ni**

Mizoram Synod Social Front chuan eizawna nei loten eizawna an neih theih nan leh Cement Mistiri lama Mizote kan lo intodelh theih nan May 15-June 14, 2023 (thla khat) chhung atan Cement Mistiri training a buatsaih a. He training hi May 15, 2023 (Thawhtanni) zan dar 7:00 khan Synod Conference Centre-ah Pathian hnenah hlanna hun hman a ni.

Training hlanna hun hi Synod Secretary, Upa B. Lalmunliana'n a kaihruai a. Synod Social Front Co-ordinator, Upa H. Lalhmingmawia'n training kalphung tur leh thil pawimawh dangte a sawi hnuah Rev. V.L. Luaia Hranleh, Executive Secretary i/c Synod Social Front chuan Pathian hnenah training a hlan a, thuchah a sawi zui a ni.

Synod Social Front-in mistiri training a buatsaiha tel tur hian mi 30 thlan an ni a. Trainee-te hian kar khat chhungin a thu (Theory)-a zirna an nei ang a, engineer thiam takten an zirtir thin ang. Theory an zir zawh hian kar thum chung mimal in sain practical an nei dawn a ni.

Tha taka training chhuakte hnenah Synod Social Front chuan Certificate a pek dawn bakah, mistiri bungrua (basic tools) a pe dawn baw a ni.

❑ **Synod Mission Board**

◆ **Home Mission North**

May 14, 2023 (Pathianni) khan member thar mi pathum an awm belh.

◆ **Karbi Anglong Mission Field**

May 14, 2023 (Pathianni) khan member thar mi pakua an awm belh.

◆ **Missionary Retreat**

May 18-21, 2023 chhung hian Chaltlang Kohhranah Synod Mission Board buatsaihin Central Region Missionary Retreat vawi 4-na neih a ni dawn a. Thupui 'Krista hmangaihna chuan min tir lui a ni' tih chu Retreat Speaker, Rev. Dr. K. Lallawmzuala, Executive Secretary-in a sawi ang.

May 18 (Ningani) zanah vantlang Pathian Biak Inkhawm neih a ni ang a, Rev. R. Lalhmingsanga, Mission Board Secretary-in a kaihruai ang a, Synod Moderator Rev. Dr. C. Chawngminglianang Keynote Address a sawi ang. Zirtawpni zanah Rev. C. Zoramawia, Senior Executive Secretary-in Pathian thuchah a sawi ang a, Inrinni zan aṅanga Pathianni chawhnu thlengin Speaker-in thupui a sawi ang a, Pathianni zanah Rev. R. Lalhmingsanga, Mission Board Secretary-in Pathian thuchah a sawi ang. Pathianni chawhnuah Missionary Chatuan ram pan Tate mi 21 sun a ni ang.

❑ **Revival**

May 5-7 leh 13-14, 2023 chhung khan Aizawl khawpui chhung leh a chheh velah Operation Nehemia neih leh a ni a, Revival Speaker leh Team-te hmun 13-ah inṅhen darhin mi 1480 chuang hnenah rawngbawlina an nei a ni.

❑ **Finance**

◆ May 16, 2023 (Thawhlehi) khan PCI buatsaihin One Day Accounts Training, Shillong-ah neih a ni a, he hunah hian Pu Zaihmingthanga Fanai, Synod Finance Department; Pu K. Laldawngliana, SMB; Pu V.L. Zonuntluanga, Synod Hospital leh Pu R. Lalramchhana, PRESCOM te an kal.

◆ May 19, 2023 (Zirtawpni) hian Pastor Bial hrang hranga Bial Treasurer-te tan Account Training, Synod Conference Centre-ah buatsaih a ni dawn a. Programme hi chawhma dar 10:00-ah ṅan a ni ang a, training hawna leh Pathian hnena hlanna Rev. P.C. Pachhunga, Finance Officer-in a nei ang a, Upa Lalsawmliana, Finance Manager-in Synod Sum Vawn Dan chungchang a zirtir ang a. Chawhnu lamah Pu Zaihmingthanga Fanai, Accountant-in Treasurer sum ziahna bu leh thawhlawm form hman dan te, Thawhlawm hrang hrang chhun dan chungchang te a zirtir ang a. Rev. C. Zoramawia, Senior Executive Secretary i/c Finance-in lawmthu sawiin training a khar ang.

❑ **Presbyterian English School (PES)**

May 17-19, 2023 chhung hian PES hrang hrang - Keifang, N.E. Khawdungsei, Khawkawn, Chiahpui, Ngopa, Teikhang leh Kawlbem PES te tlawhin Pu C. Lalrinliana, Supervisor of Schools a kal a, Teikhangah hian PES School building thar a hawng nghal bawk.

❑ **Worship**

May 18, 2023 (Ningani) hian Ṭuahzawl Kohhranah Music Training neihpui turin Pu C. Zirlianthanga, Music Instructor leh Tv. F. Lalthansanga, Keyboardist te an kal.

❑ **KṬP**

May 19-21, 2023 chhung hian North East India Christian Council Youth Assembly (NEICCYA) Biennial Conference vawi 19-na chu Durtlang Presbyterian Kohhranah Central KṬP-in a thleng dawn a. May 19 (Zirtawpni) zan aṅangin Pathian Biak Inkhawm a awm ṅan ang a, KṬP member chhim duhte tan chhim theih a ni ang.

❑ **Synod Hospital tan Thisen pek a ni**

May 17, 2023 (Nilaini) khan P.C. Girls' School-ah Synod Lay Workers' Fellowship member-ten Synod Hospital-a hman turin thisen an pe. Synod Lay worker-te hian an kum 50-na (Golden Jubilee) denchenin thisen hi an pe a, Synod Office-a thawktute, P.C. Girls' School-a thawktute, PRESCOM-a thawktute leh Sikulpuia thawktu mi 36 ten thisen hi an pe a. Kar hmasa lam khan Synod Higher Secondary School leh Mizoram Christian College leh Synod Multipurpose Training Centre-a thawktuten thisen hi an lo pe tawh bawk.

May 24 (Nilaini) hian Synod Hospital-a thawktute, Hmangaihna Ina thawktute, ATC-a thawktute, Rescue Home-a thawktute leh Masihi Sangati Kendra-a thawktuten thisen hi an pe ve leh ang.

□ **MSSU**

May 20, 2023 (Inrinni) hian Sunday School zirtirtu Training neihpui turin Trainer-te hetiang hian an chhuak ang:

- Bungkawng Vengthar Kohhran - Pu Lalhmunzauva Tlau, Asst. Coordinator
Upa B. Lalhmunliana, Trainer
Upa John Lalnunthara, Trainer
- Bawngkawng Brigade Kohhran - Upa Lalthanchhunga, Trainer
Upa V. Lalrindika, Trainer
Upa John Lalruatlina, Trainer
- Rengtekawng Bial - Upa K. Vanlalngkhaka, Trainer
Upa C. Lalnunzira, Trainer
Upa Lalrinawma Ralte, Trainer
- Jugicherra Bial - Upa Hrilthansanga, Trainer
Upa K. Zoremsanga, Trainer

□ **Social Front**

May 20-21, 2023 hian Bial hrang hrangah Political Education Campaign nei turin Campaigner-te hetiang hian an chhuak ang;

- Zobawk Bial, Hnahthial Bial, Tawipui North-II Bial - Upa Lalbiakzuala
Upa C. Lalduhawma
Rev. Johana
- Tlangnuam Bial, Kulikawng Bial, Mission Veng Bial - Rev. Dr. Lawmsanga
Rev. Dr. Lalawmpuia Hauhnar
Upa Dr. Lalrochhuanga
Upa Zohmangaiha.
- Khuangleng Bial - Upa R. Zirrokunga
- Suangpuilawng Bial, Phullen Bial, Phullen Vengthar Bial - Upa C. Chawngthantluanga
Upa H. Ngurthansanga
Upa Lalzuitluanga.
- Sakawrdai Bial - Upa Lalhmachhuana
Rev. K. Lalrinmawia
Upa Lalrammawia Ngente
Upa Ricky Lalrammawia
Rev. Remlalpuia Renthlei
Pro. Pastor Amos Malsawmzuala
- Damparengpui Bial, Tuipuibari Bial - Upa Dr. C. Zarzoliana
Rev. Dr. R. Vanlaltluanga.
- Thingdawl Bial, Lungdai Bial, North Hlimen Bial - Upa Kailiana Ralte
Upa Dr. Lalnundanga
Upa R. Lalmalsawma
Upa Lallianmawia.
- Baktawng Bial, Chhingchhip Mualpui Bial - Dr. Robert S. Halliday

□ **Pastor Retreat neih a ni dawn**

Presbyterian Church of India, Mizoram Synod hnuaiia Pastor Retreat chu May 23-26, 2023 chung hian Aizawl Theological College, Durtlangah neih a ni dawn a, Retreat thupui chu "Inpumkhatna" a ni. Pastor Retreat hi kum 1967 atanga hman thin a ni a. Kum 1990 atang khan kum khat kar danah neih a ni a. Pastor-te tan intuaitharna hun pawimawh anih avangin Pastor leh Pensioner ten an ngai pawimawh thin hle a ni.

□ **Lay Day hmang dawn**

May 26, 2023 (Zirtawpni) hian Pi Zaii Hall, Synod Conference Centre-ah Synod Lay Workers' Fellowship chuan Annual Meeting (Lay Day) an hmang dawn a. Lay Day hi kum 1973 atang khan kum tin deuh thaw Lay Worker-te hian an hmang thin a. He ni hi thawktute infuih tharna hun leh inpawl hona hun hlimawm tak atan hman thin a ni a. Synod Office leh Department dangte pawh hemi ni hi chuan dawr theih an ni dawn lo a ni.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua	Pek chhan	Chhungkaw zat	Pek zat
1.	Darlawn	Damlo leh Harsa	2	₹ 20,000/-
2.	Reiek	Damlo	1	₹ 10,000/-
3.	Tuirum	Damlo	1	₹ 10,000/-
4.	Bawngkawn Brigade	Damlo	1	₹ 10,000/-
5.	Chhingchhip Mualpui	Damlo	1	₹ 10,000/-
6.	Aizawl Venglai	Damlo	1	₹ 10,000/-
7.	Tlungvel Venghlun	Damlo	1	₹ 10,000/-
8.	Electric Veng, West Phaileng	Damlo	1	₹ 10,000/-
9.	Darlak	Damlo	1	₹ 10,000/-
			Belh khawm	₹ 1,00,000/-

☐ **FM Zoawi - Aizawl & Lunglei : Hruaina Eng Radio Programme**

May 19, 2023 (Zirtawpni) @ 7:30 p.m. :

Fakhla huang

Solo : Isaac - Min tlan ta

Duet : Mali leh Mawitei - Hosana

Thusawi : Lalhmunzauva Tlau - Naupangte hnena Chanchin Tha hril

Duet : Tluangtluangi leh Kimkimi - Ka nunna Lal ka khumtir che

Solo : Zorina - Chatuanin

☐ **Susamachar Prasaran Programme :**

May 21, 2023 (Pathianni) 5:30 pm. :

Group/Choir/Solo : Luangmual Vengthlang - Tumhara Mann Biakul Na Ho

Group/Choir/Solo : Lalduhawma - Mere Gunah

Sermon : Rev Lalhunthara

Group/Choir/Solo : Kawngkharmawii - Bhajo Maan Yeshu Naam

Group/Choir/Solo : Tanhril Pastor Bial - Mere Mashi

☐ **Hruaina Eng TV Programme**

18.5.2023 (Ningani) 8:30 pm : Zir bingna - Kohhran Chanchin (Siamthat hunlai)

19.5.2023 (Zirtawpni) 5:00 pm : Kristian Naupang Pual

20.5.2023 (Inrinni) 5:30 pm : Puitling Sunday School Zirlai

8:30 pm : Rimawi huang

21.5.2023 (Pathianni) 8:00 am : Weekly Round Up

5:30 pm : Su Samachar

22.5.2023 (Thawhtanni) 8:30 pm : Hruaina Eng Luang Chhuak

23.5.2023 (Thawhlejni) 8:30 pm : Nilai Zan thupui zir ho - Synod Hospital Board

☐ **Moderator leh Executive Secretary-te Programme:**

Rev. Dr. C. Chawngmingliana : Moderator

May 21, 2023 Khawlailung Bial - Pastor Induction

May 23-26, 2023 Pastor Retreat

Rev. C. Zoramawia : Senior Executive Secretary

May 21, 2023 Bukpui Bial - Pastor Induction,

May 23-26, 2023 Pastor Retreat

May 28, 2023 Rawpuichhip Centenary lawmna hmanpui

Rev. V.L. Luaia Hranleh : Executive Secretary

May 20&21, 2023 West Phaileng Dinthar - Pastor Induction,

May 22, 2023 Presbyterian Hmeichhe Hostel lut tur interview

May 23-25, 2023 Pastor Retreat

Rev. Dr. K. Lallawmzuala : Executive Secretary

May 19-21, 2023

Missionary Retreat

May 21, 2023 (Zan)

Prison Ministry Campaign, Bungkawh Kohhran

May 23-25, 2023

Pastor Retreat

May 26-27, 2023

Field Secretaries leh Administrative Secretaries Consultation

DAWR RUAK LUAH THEIH CHUNGCHANG

Synod Compound, Mission Veng-ah Dawr MS-II C/11 leh C/29 a ruak a, luah duh chuan May 15-30, 2023 Synod Office hun chhungin thil zawrh tur ziak telin mahni Address leh Phone no. nen dil theih a ni a. He mi hun chhunga dil lo chu pawm a ni lo vang. Dilnaah Kohhran lehkha thil tel tur a ni e.

Sd/- Rev. C. Zoramawia
Senior Executive Secretary
i/c Synod Trust

ADVERTISEMENT

Synod Multipurpose Training Centre (SMTC)-ah 2023 session hnihna atan a hnuai Vocational training trade hrang hrang tarlante hi a dil theih e.

S/N	Trade	Course rei zawng	Seat awm zat
1.	Diploma in Computer Application (DCA)	Thla 6 (July-Dec.)	24
2.	Beauty Culture	Thla 6 (July-Dec.)	6
3.	Mobile repairing	Thla 6 (July-Dec.)	6
4.	Electric wiring & Repairing	Thla 6 (July-Dec.)	6

Hriattur pawimawhte:

1. Dilna hi ni 26 May, 2023 aia tlai lovah SMTC Office-ah thehluk tur a ni.

2. Dilnaah hian Kohhran lehkha thil tel ngei tur a ni.

3. Interview hun : Ni 31 May, 2023 (Nilaini) 10:30 a.m

4. Interview-na hmun : SMTC, Mission Vengthlang

5. Class ãan hun : 3 July, 2023 (Thawhãanni)

Aizawl khaw pawna awm, mamawh zual bikte tan Hostel a awm ang.

Sd/-
Rev. V.L. Luaia Hranleh
Executive Secretary
i/c SMTC